



**EBAZPENA, 2023KO MAIATZAREN 15EKOA, JUSTIZIA ADMINISTRAZIOKO
ZUZENDARIARENA, EUSKAL AUTONOMIA ERKIDEGOKO JUSTIZIA ADMINISTRAZIOAREN
ZERBITZURA DAUDEN FUNTZIONARIOENTZAKO EUSKARA-IKASTAROETARAKO DEIALDIA
EGITEN DUENA.**

2023/2024 IKASTURTEA - DEIALDI OROKORRA (Udako barne)

Berdintasun, Justizia eta Gizarte Politiketako Saileko Justizia Administrazioiko Zuzendaritzak, Euskal Autonomia Erkidegoan lan egiten duten Justizia Administrazioiko funtzionarioen euskarazko hizkuntza-gaitasuna sustatzeko eta bultzatzeko xedez, eta Euskal Autonomia Erkidegoko Justizia Administrazioiko Hizkuntza Normalizazioari buruzko ekainaren 29ko 174/2010 Dekretuan ezarritakoarekin bat etorritz, hizkuntza-gaikuntzako ikastaroak deitu ditu 2023/2024 ikasturterako, 2023ko udakoa barne.

Horregatik,

EBAZTEN DUT

Artikulu bakarra. – Onartzea Euskal Autonomia Erkidegoko Justizia Administrazioaren zerbitzura dauden funtzionarioei zuzendutako euskara-ikastaroen deialdia, 2023ko udarako eta 2023/2024 ikasturterako, ebazpen honen I. eranskinean jasotako oinarrietan ezarritakoaren arabera.

Vitoria-Gasteiz, 2023ko maiatzaren 15a

Jon Arturo Uriarte Unzalu
JUSTIZIA ADMINISTRAZIOKO ZUZENDARIA

I.ERANSKINA

OINARRIAK

Lehena. - Xedea

Euskal Autonomia Erkidegoko Justizia Administrazioaren zerbitzura diharduten funtzionarioen kidegoetako langileen euskarazko hizkuntza-gaitasuna sustatzea eta bultzatzea.

Bigarrena. - 2023-2024 ikasturterako deialdiak

Justizia Administrazioko Zuzendaritzak bi deialdi argitaratuko ditu 2023/2024 ikasturterako. Deialdi hau 2023/2024 ikasturteko deialdi nagusia da, udakoa barne, eta osorik arautzen du.

Ikastaroen eskaintza lan-ordutegira zein lanaz kanpoko ordutegira hedatzen da. Autoikaskuntza eta C2 mailako ikastaroei dagokienez, haxe da 2023/2024 ikasturterako deialdi bakarra.

2023/2024 ikasturteko bigarren lauhilekorako eskaintza deialdi osagarri baten bidez egingo da azaroan.

Hirugarrena. – Deialdi honen hartzaileak

1. Deialdi honetan parte hartu ahal izango dute Prozesu eta Administrazio Kudeaketako, Prozesu eta Administrazio Izapidetzako, Laguntza Judizialeko eta Auzitegi Medikuntzako kidegoetako langileak, baldin eta karrerako funtzionarioak edo Euskal Autonomia Erkidegoko Justizia Administrazioaren zerbitzuko bitarteko funtzionarioak badira.

Bitarteko funtzionarioek deialdi honetan parte hartu ahal izango dute, baldin eta izendapenaren iraupena eskatutako euskara-ikastaroaren iraupenaren berdina edo luzeagoa bada.

Era berean, lanaldiaren laurdenetik gorako murrizketa duten funtzionarioek lanalditik kanpoko ordutegian soilik eskatu ahal izango dituzte euskara-ikastaroak.

2. Prozesu eta Administrazio Izapidetzako Kidegoko eta Laguntza Judizialeko Kidegoko langileei C1 maila (egiaztatua ala ez) lortu arteko baimena emango zaie. Salbuespen gisa, C1 maila lortu dutenei baina egiaztatu ez, lanorduetatik kanpo euskara ikasteko azken lizentzia eman ahal izango zaie.

Era berean, Auzitegiko Medikuen eta Prozesu eta Administrazio Kudeaketaren kidegoetako langileei, C2 maila (egiaztatu ala ez) lortu arteko baimena emango zaie. Salbuespen gisa, C2 maila (4. HE) lortu dutenei baina egiaztatu ez, lanorduetatik kanpo euskara ikasteko azken lizentzia eman ahal izango zaie.

Laugarrena. – Eskaera aurkezteko baldintzak

Deialdi honetan parte hartu ahal izango dute Euskal Autonomia Erkidegoko Justizia Administrazioaren zerbitzura diharduten funtzionarioen kidegoetako langileek, baldintza hauek betetzen badituzte:

1. Eskaera egiteko unean eta ikastaroa hasteko unean ere zerbitzu aktiboan egotea. Ikastaroa hastean langilea lanerako ezintasun iragankorrean (LEI) badago, ezin izango da euskaltegian matrikulatu eta Deialdi Osagarriaren zain egon beharko du (azaroa).
2. Eskaera arduradun funtzionalari jakinaraztea, edo haren oniritzia izatea (barnetagia udan), deialdi honetan hala xedatzen denean (ikus. *Bosgarrena. Eskaerak*).

Bosgarrena. - Eskaerak

Funtzionarioek izena eman duten moduluetarako bakarrik izango dute aukera. 2 eta 5 orduko ikastaroak eskatzen badira, 5 orduko ikastaroak izango du lehentasuna, eta ematen ez bazaio, 2 orduko ikastaroaren aukera aztertuko da.

1. Eskaerak aurkezteko epea

Eskaerak aurkezteko epea 2023ko **maiatzaren 15etik 23ra** bitartekoa izango da, egun biak barne. Data horretatik aurrera ez da eskabide berririk onartuko.

2. Eskaera-orriak aurkezteko modua

Ikastaroetan parte hartu nahi dutenek "*euskara-ikastaroetarako eskaera-orria*" (II. eranskina) bete beharko dute, eta posta elektronikoko bidez eskatzailearen arduradun funtzionala kopian (CC) ipinita helbide elektronikoa honetara bidali: euskaradeialdiak@euskadi.eus

Argibideetarako telefono zenbakia: 945 01 91 59

Seigarrena. – Eskaintako ikastaroak

Onartutako eta baztertutako langileen behin-behineko zerrendak argitaratu aurretik bete behar dira puntu honetan jasotako baldintzak eta betekizunak, C1 mailakoak izan ezik, euskara ikasten jarraitzeko lizentziaren amaiera ekar baitezake.

6.1.- Udako ikastaroak

6.1.1 Betekizunak.

HABEK homologatutako euskara-ikastaroren batera joan izana 2022-23 ikasturtean behar bezalako aprobetxamenduarekin. (Ikus *Hamaseigarrena. Ikastaroen aprobetxamendua*).

Justizia Administrazioiko Zuzendaritzaren Deialdi Orokorreko ala Osagarriko eskaintzatik kanpo ikastaro bat egin dutenek euskaltegiaren edo hizkuntza-eskola ofizialaren ziurtagiri bat aurkeztu beharko dute eskaerarekin batera, bertaratzea eta aprobetxamendua egiaztatzeko.

6.1.2 Ikastaroen ezaugarriak

Ikastaro hauen helburua ikasturtean ikasitakoa finkatzea da, ez hurrengo urratsa gainditzea.

Urte berean ezin da udako ikastaro bat baino gehiago egin **lan ordutegian**, eta ezin izango dute 2 asteko iraupena gainditu. Izan ere, aldi horretan **langileak ez du ordezkorik izango bere lanpostuan**. Horregatik, **ezinbestekoa** da, ikastaro hauetan parte hartu ahal izateko, **dagokion organo ala zerbitzu-arduradunaren oniritzia izatea**.

Udako ikastaroak opor garaian ere egin daitezke.

Moduluak:

- Autoikaskuntzako (online) ikastaroak lanorduetatik kanpo egingo dira, eta gutxienez 70 orduko iraupena izango dute.
- Udako ikastaroak gehienez 2 astekoak izango dira –euskaltegian nahiz barnetegian–, uztailetik irailera bitartean egin ahal izango dira eta horien iraupena gutxienez 90-100 eskola-ordukoak izango dira hamabostaldi batean.

6.2.- Bi orduko ikastaroak (urria – ekaina)

6.2.1.- Lanorduetan

Oro har, deialdi honetan ezarritako ordutegitik kanpo ez da beste ordutegirik onartuko (*Hogeigarren oinarria. Ordu-konpentsazioa*).

Lan-ordutegiko ikastaroen ordutegia honako hau da:

Goizez: **aurrez aurrekoak**

8:00etatik 10:00etara.

Ikastaroetara goizez joaten diren funtzionarioek 8:00etan hasiko dute lanaldia euskaltegian bertan, ez da onartuko lantokian 7:30ean fitxatzea. Horrez gain, oro har, langileek gehienez 20

minutu izango dituzte, eskolak amaitzean, euskaltegitik beren lantokira joateko (10:20ak arte gehienez).

Arratsaldez: **aurrez aurrekoa**.

15:00etatik 17:00etara ala 15:30etik 17:30era

16:00etatik 18:00etara ala 16:30etik 18:30era

6.2.2. Lanorduetatik kanpo

Ikastaro bat lanorduetatik kanpo egiten dela joko da 17:00etatik aurrera edo ondoren hasten denean.

6.3. Ikastaro trinkoak (urria - otsaila / otsaila - ekaina)

Ikastaro trinkoak izango dira egunean **aurrez aurre** bost irakastordu edo gehiago irauten dutenak. Ikastaro horietara joateak lanaldi osoko lan-liberazioa ekarriko du.

2023/2024 ikasturtean ikastaro horiek gehienez ere lauhileko bateko iraupena izango dute.

6.3.1. Betekizunak.

1. Langilearen erreferentziako kidegoari dagokion euskara-maila (egiaztatua ala ez) lortu ez izana.
2. Gutxienez A2 maila gaindituta izatea (egiaztatuta ala ez).
3. HABEk homologatutako euskara-ikastaroren batera joan izana 2022/2023 ikasturtean gure deialdien barruan (euskaltegietan) ala kanpoan (euskaltegian ala hizkuntza-eskola ofizialetan) behar bezalako aprobetxamenduarekin. (Ikus Hamaseigarren oinarria. Ikastaroen aprobetxamendua).

6.3.2. Modalitateak

Ikastaro horiek hemen jaso ahal izango dira:

1. Euskaltegi batean (erregimen irekian), 8:00-14:00 bitartean. **Aurrez aurrekoa**
2. Barnetegi batean (barnetegi-erregimena). Zornotzako Barnetegia (Amorebieta-Etxano) edo Maizpide (Lazkao) barnetegietara jo daiteke. Egunero 6 eskola-ordu ematen dira, eta gainerako denbora jarduera osagarrietan ematen da.

6.4. Autoikaskuntza ikastaroak (online)

Autoikaskuntzako ikastaroei dagokienez, hauxe da 2023/2024 ikasturterako deialdi bakarra.

Euskaltegietako autoikaskuntza ikastaroak lanorduetatik kanpo egingo dira, eta gutxienez 190 orduko iraupena izango dute. Ikastaro horietan parte hartzen duten langileek euskara malgutasunez ikasteko aukera izango dute programa informatiko baten bidez, eta tutore baten laguntza izango dute. Aldian-aldian, elkarrizketa-saioak eta aurrez aurreko tutoretza-saioak egingo dira.

Ikastaro hau eskatu ahal izango da, baldin eta behar bezala justifikatzen badira beste ikastaro mota batera joatea eragozten duten salbuespenezko arrazoiak (arrazoi pertsonalak;

mendetasuna duen ala behar bereziak dituen pertsona bat ardurapean izatea edo zerbitzuaren beharrak; arduradunaren txostena erantsita).

Autoikaskuntzan, irakaskuntza motaren ezaugarriak direla eta, denbora tarte batean ikastaroan ez ibiltzeak ez du oztopatuko ikastaroa utzi zen unean berreskuratzea, beraz, kasu honetan ez da *Hemezortzigarrena*. – *Ikastaroa behin betiko uztea* oinarrian jasotako ikastaroa uzteko erregimena aplikatuko.

Zazpigarrena. - Euskara ikasteko lizentzia izango duten langileen konpromisoak

Deialdi honetako euskara-ikastaroetan parte hartzen duten funtzionarioek konpromiso hauek hartzen dituzte:

- Ikastaroen asistentzia eta aprobetxamendu egokia egitea.
- Mailak gainditzeko deitutako aldizkako ebaluazioak egitea.
- Hizkuntza-eskakizunak edo baliokideak egiaztatzeko azterketak egitea, dagokien mailara iristen direnean.
- Dagokion organo judizialean euskararen erabilera sustatzeko programetan aktiboki parte hartzea.

Zortzigarrena. – Lehentasun irizpideak

174/2010 Dekretuari jarraituz, Justizia Administrazioiko Zuzendaritzak aldiro-aldiro deitzen dituen euskara-ikastaroetara nortzuk joango diren erabakitzeko, irizpide hauek erabiliko dira, ondorengo lehentasunaren arabera antolatuta:

- 1) Bereiztutako dotazioa duten langileek eta beren kidegoari dagokion hizkuntza eskakizuna egiaztatu gabe dutenak.
- 2) Lehentasunezko zat jotako organo, zerbitzu edo unitateetako langileak, horiek identifikatzen direnean.
- 3) Beren kidegoari dagokion hizkuntza-eskakizunetik hurbilen den euskara-maila duten langileak.
- 4) Euskararen erabilera sustatzeko programetan parte hartzen duten langileak.
- 5) Euskara-maila bera duten eskatzaileen artean, destinoko zentroan antzinasun handiena duen langileak.
- 6) Destinoko zentroan euskara-maila eta antzinasun berbera duten langileen artean, aurreko ekitaldietan eskainitako ikastaroetan aprobetxamendu onena izan duenari emango zaio lehentasuna.
- 7) Aipatutako irizpideak nahiko ez badira, langile gazteenari emango zaio lehentasuna.

Bederatzigarrena. – Ikastaroetara joateko baimenak

174/2010 Dekretuari jarraituz, euskara-ikastaroetara lanorduetan joateko baimen kopurua mugatua izango da. Hortaz, organo edo zerbitzu bereko **plantillaren %30ak** parte hartu ahalko du ikastaro horietan, nahiz eta Justizia Administrazioako Zuzendaritzak kopuru hori handitzeko ahalmena izango duen.

%30 hori neurtzeko, kokaleku desberdinetan dauden eta berezitutako zerbitzuak ematen dituzten organo-unitateetan, ehunekoa unitate txiki horietako bakoitzean ezarriko da. Era berean, ehunekoa bereiz zenbatuko da lanorduetako 2 orduko eta 5 orduko moduluetan. Horrez gain, kontuan izango da organo judicial berean kidego bereko zenbat funtzionariori ematen zaion baimena, organoaren funtzionamendu ona bermatzeko asmoz.

5 ordukoa eskatzen duen pertsonak bere arduradun funtzionalari jakinarazi beharko dio eskabidea aurkeztu duela, jakinaren gainean egon dadin. Horren berri emateko, kopia (CC) bidaliko zaio aipatutako arduradunari, eskaera-orria posta elektronikoz bidalita.

Kopia (CC) arduradun funtzionalari bidaltzeak ez du izango, inola ere, emate- edo ukatze-izaerarik. Hala ere, ez bazaio arduradun funtzionalari kopia (CC, mezu elektronikoko bidez) bidaltzen eskaerak aurkezteko epealdian, eskaera ez da tramitatuko, hau da, eskaera ez da aurkeztutzat hartuko.

Hamargarrena. – Mailaketa-probak

Eskaerak aztertu ondoren, deialdi honen aurreko azken 6 hilabeteetan euskara-eskoletara joan ez diren guztiek euskarazko ezaguera-maila zehazteko mailaketa-proba egin beharko dute. Mailaketa-proba hauetara deitutako langileek ezinbestean aurkeztu beharko dira, euskara inoiz ikasi ez eta AOA0 mailan hasteko daudenek izan ezik.

Hamaikagarrena. – Taldeen antolaketa

HABE Justizia Administrazioako langileekin aurrez aurreko taldeak antolatzen ahaleginduko da honako kasuetan:

1. Goizeko lanorduetako 2 orduko ikastaroak (8:00-10:00) Bilbon, Donostian edo Gasteizen.
2. Ikastaro trinkoak (5h) euskaltegian.

Taldea sortzen bada, ikastaroa lantokitik gertu dagoen euskaltegi batean izango da posible den neurrian. Justizia Administrazioako Zuzendaritzak eskola non izango duen jakinaraziko dio

telefonoz interesdunari irailaren azken astean. Behin taldea esleitu denean, ez da aldaketarik onartuko, behar bezala arrazoitzen ez bada.

Hamabigarrena. – Matrikula-orria

Talderik sortzen ez bada, Justizia Administrazioako Zuzendaritzak matrikula-orria posta elektronikoz bidaliko dio interesdunari, horrek egin duen eskaerari eta beharrezanei ondoen egokitzen zaion euskaltea topa dezan. Ikastarook HABEk homologatutako edozein euskaltea publiko edo pribatutan egin daitezke.

Halaber, langileek euskaltegiaren egutegira eta ordutegira moldatu beharko dute.

Komenigarria da matrikula-orria jaso behar dutenek matrikula-orri hori jaso aurretik euskaltea bilatzen hastea, lekurik gabe gera ez daitezken. Ezinbestekoa izango da matrikula-orria euskaltegian aurkeztea ikastaroa hasten denerako.

Dena delakoarengatik eskatzaileak matrikula-orria erabiltzen ez badu, Justizia Administrazioako Zuzendaritzari jakinarazi beharko dio lehenbailehen.

Hamahirugarrena. - Erreklamazioak

Deialdi honetan onartu eta baztertu direnen behin-behineko zerrenda argitaratzen denean, arrazoi bat edo beste dela baztertuak izan direnek 10 egun naturaleko epea izango dute, argitaratze-dataren hurrengo egunetik zenbatzen hasita, erreklamazio-idazki bat aurkezteko Justizia Administrazioako Zuzendaritzan posta elektronikoko bidez: euskaradeialdiak@euskadi.eus

Halaber, lanorduetan egiten diren ikastaroetatik baztertuak geratu direnak, erreklamazioak egiteko epe berean euskara ikastaroa lanorduetatik kanpo egiteko eskaera egin dezake.

Hamalauugarrena. - Egutegia

Euskara ikastaroen egutegi orokorra honakoa da:

2 ordu	2023ko urriak 2 – 2024ko ekainak 21
5 ordu	1 lauhilekoa: 2023ko urriak 2 - 2024ko otsailak 9
C2	2023ko urriak 2 – 2024ko ekainak 21 (astean 3 egun)

5 orduko ikastaroetara doan ikasleak euskaltegiak erabakitako egutegia jarraitu beharko du zehatz-mehatz. Nahiz eta berak lan egiten duen organoan jaieguna izan, euskaltegian eskolarik ez badago, ikasleak bere lantokira joan beharko du egun bakar baterako izan arren, salbu baimen ala oporrak eskatu baditu.

Era berean, 2 orduko ikastaroa egiteko baimena duen ikasle bati beste lizentzia edo baimen bat izateko gertaera sortuko balitzaio, eta lizentzia edo baimen hori euskaltegiko eskola-ordukoaren bestekoa edo horien iraupenaren zati batekoa bada, lizentzia edo baimen hori amaitu bezain laster bere lantokira itzuli beharko du lizentzia edo baimen horrek ez hartutako denbora betetzeko ikasle horrek haren ohiko lanaldia amaitu arte.

Hamabosgarrena. – Ikastaroetara ez joatearen justifikazioa

Ondorio guztietarako, ikastaroa ematen den ikastetxea lantokitzat hartuko da.

Ondorioz, ikastaroren batera lanorduetan joaten den ikasleak bertaratze- eta puntualtasun-falta guztiak justifikatu beharko dizkio bere organo judizialeko edo zerbitzuko arduradunari, lantokira beste edozein hutsegiterekin egiten den bezala, eta Justizia Administrazioako Zuzendaritzari jakinarazi beharko dio (Euskara Zerbitzua: euskaradeialdiak@euskadi.eus). Guardia presentzialak (osorik egin beharko dira, prestasun-guardietan aldiz euskaltegira joan ahal izango da), ezintasun iragankorrak, mediku-kontsultak, amatasun edo aitatasun baimenak, senitartekoen heriotza ala antzeko lizentziak, eta unean uneko zerbitzuaren beharrak ez dira bertaratze-falta gisa zenbatuko, baina Justizia Administrazioako Zuzendaritzako Euskara Zerbitzuari ere (euskaradeialdiak@euskadi.eus) justifikatu beharko zaizkio.

Liberatutako ikasleak bertaratze- eta puntualtasun-falta guztiak jakinarazi beharko dizkio Justizia Administrazioako Zuzendaritzari (Euskara Zerbitzua: euskaradeialdiak@euskadi.eus).

Hamaseigarrena. – Ikastaroen aprobetxamendua

Aprobetxamenduari dagokionez, deialdi bakoitzean kontuan izango dira aurreko ikasturteko datuak, baita ikasle bakoitzaren ikasketa-ibilbidea ere. Horretan oinarrituta, ikasketa-prozesuaren garapenean etenik ikusten bada (adibidez, 2 ikasturte maila berean ebaluaziorik gainditu gabe) Justizia Administrazioako Euskara Zerbitzuak erabaki dezake eskaeran eskatutakoa ez onartzea eta beste ordutegi eta ikasketa modulu bat ematea ikas-prozesuaren dinamika aldatu eta bultzada emateko.



Ondorioz, euskara ikasteko eskaerak aldatuak izan daitezke edo ez onartuak aipatutako aprobetxamenduan oinarrituta.

Horren harira, deialdi honetan honakoak izango dira aprobetxamendu ez egokiak:

- Aurreko ikasturteko asistentzia emandako ordu teorikoen %80 baino baxuagoa izatea 2 orduko moduluetan –baita autoikaskuntzan ere, informatika programa eta mintza-saioak kontuan hartuta– eta %90 baino baxuagoa izatea 5 orduko moduluetan.
- Ebaluazioan eta aprobetxamenduan honako baldintza bete ez denean:
 - Ebaluazio bakarreko ikasturtean ebaluazio hori gainditzea.
 - 2 ebaluazioko ikasturtean ebaluazio 1 gainditzea.
 - 3 ebaluazioko ikasturtean 2 ebaluazio gainditzea.

Hamazazpigarrena. – Ikastaroan berandu hastea

Didaktika eta antolakuntza arazoak direla medio, ikaslea ikasturteko lehen egunean hasi beharko da klasean. Aparteko kasuetan, behar bezala justifikatutako egoeretan (medikuaren baja, amatasun-baja, adopzioa edo antzeko lizentziak), onartu egingo da ikasturtean beranduago hastea; gehienez, 5 klase-egun liberazio osoko ikastaroetan (5 ordu eta barnetegiak) eta gehienez, 10 klase-egun gainerako ikastaroetan.

Hauxe da berandu hasi ahal izateko baimena lortzeko prozedura:

- a) Ikasleak aldez aurretik jakinarazi beharko dio Justizia Administrazioiko Zuzendaritzari (Euskara Zerbitzuari) ez dela ikasturte hasieran eskolan hasiko aurretik aipatutako arazoiren bat tarteko.
- b) Ikaslea eskolan hasteko moduan dagoenean, bere eskolatzearen berri eman beharko dio Justizia Administrazioiko Zuzendaritzari (Euskara Zerbitzuari).

Ondorioz, adierazitako epeak igarotakoan klasera hasi ez diren langileen eskaerei baja emango zaie.

Hemezortzigarrena. – Ikastaroa behin betiko uztea

Ikastaroa hasi ondoren, ikasleak ikastaroa behin betiko utzi nahi duenean, 10 egun natural izango ditu "*Jakinarazpena: Euskara-ikastaroak uztea*" (IV eranskina) agiriaren bitartez Justizia Administrazioiko Zuzendaritzari (Euskara Zerbitzua: euskaradeialdiak@euskadi.eus) jakinarazteko.

Aurreko ikasturtean Zuzendaritza honen iritziz behar bezala arazoitu gabe 2 zein 5 orduko euskara-ikastaroa utzi egin dutenek ezin izango dute lanorduetako ikastaroetan parte hartu; lanorduz kanpoko ikastaroetan parte hartzeko aukera baino ez dute izango.



Ikastaroa ez dela egingo edota utzi egingo dela ez jakinaraztea ala ezarritako epea amaitu ondoren jakinaraztea hurrengo ikasturterako eskaera ukatzeko arrazoi izango dira.

Hemeretzigarrena. – Lantoki aldaketa

Funtzionarioaren kargu-uztea gertatzen bada, Justizia Administrazioako Zuzendaritzari (Euskara Zerbitzuari: euskaradeialdiak@euskadi.eus) jakinarazi beharko dio. Lanean ez dagoen bitartean baimendutako ikastaroa egiten jarraitu ahal izango du. Baina, Justizia Administrazioan berriro lanean hasten bada, Justizia Administrazioako Euskara Zerbitzuari jakinarazi beharko dio; izan ere, euskara ikasteko baimena berriro aztertu behar da, ikastaroa, egoera berria eta deialdiko irizpideak kontuan hartuta.

Lekualdatze ala zerbitzu eginkizun kasuetan langileak lanpostu berrian izan lezakeen ikastarorako aukera ezingo du gauzatu harik eta Justizia Administrazioako Zuzendaritzak (Euskara Zerbitzuak) ikastaroa onartu eta jakinarazi arte.

Hogeigarrena. – Orduen konpentsazioa

1. Bi orduko ikastaroetara lanorduetan doazenek balio bereko ordu-kompentsazioa izango dute, ordutegi malguaz baliatuz. Lan-ordutegia 7:30etik 17:00etara bitartekoa da. Horri lotuta, eguneroko benetako lanaldia bete behar da, Euskal Autonomia Erkidegoko Justizia Administrazioako Funtzionarioak Euskal Administrazio Orokorreko Funtzionarioekin nola parekatu arautzen duen akordioaren 30. artikuluan ezartzen diren irizpideen arabera.
2. Ikastaroetara lanorduz kanpo doazenek (17:00etatik aurrera) bestelako ordu-kompentsazioa izango dute honako baldintza hauek betetzen badituzte:
 - Ikastaroek astean gutxienez 8 eskola-orduko trinkotasuna izan behar dute eta HABEk homologatutako euskaltegietan egin behar dira.
 - Ikastaro horietan gutxieneko asistentzia bete behar da: *Hamaseigarrena. Ikastaroen aprobetxamendua* oinarrian jasotakoaren arabera.
 - Kompentsazioa 5 egunekoa izango da ikasturte osoari dagokionean eta 2 egunekoa lauhilekoari dagokionean. Kompentsazioa ofizioz izapidetuko da eta uztailetik aurrera eskatu ahal izango da.

Hogeita batgarrena. – Ikastaroen finantzaketa

Lanorduetako zein lanorduz kanpoko ikastaroa egingo duen langileak matrikula-gastu guztia ordainduta izango du. Hortaz, ez du euskaltegian inolako ordainketarik egin beharko. Era berean, Justizia Administrazioko Zuzendaritzak bere gain hartuko ditu barnetegiko matrikula-eta egonaldi-gastuak.

Autoikaskuntza ikastaroen kasuan, Justizia Administrazioko Zuzendaritzak kostuaren %70a ordainduko du eta gainerako %30a ikasleak berak ordaindu beharko du matrikula egitean. Hala ere, ikasturte amaieran aprobetxamendua ona izan bada, ordaindutako dirua itzuliko zaio. Horretarako interesdunak eskaera bat bidali beharko du idatziz euskaradeialdiak@euskadi.eus posta elektronikora, ordainagiriarekin batera, Justizia Administrazioko Zuzendaritzara (Euskara Zerbitzua) ikastaroa amaitu eta hiru hilabeteko epean.

Ez dira ordainduko bestelako gastu hauek: joan-etorriak, material didaktikoa etab.

II ERANSKINA

Eskaera 23-24 ikasturtea

III ERANSKINA

Eskaera 2023 uda

IV ERANSKINA

Ikastaroa uztea